

樂安縣志卷之十四

列女志

叙曰地道無疆而義惟從一以順爲正蓋惟正始爲順也故才高咏絮何如誓彼柏舟案不留鴻定可感通籠水此列女所傳專存節孝蓋與無非無儀之旨相契合而以婦道幹子道之窮者此人生不幸中之大幸也至於視死如歸以身爲殉鬢眉難必之事徃徃得之巾幗中從容慷慨正不得以難易而爲之軒輊也芳名具在彤管攸輝魴鱣姬姜可以勸矣作列

樂安縣志

卷之十四

列女

一

女志

元

劉氏 邑人聶貴妻年十九事貴克盡婦道二十四貴死旦夕悲號矢志不二及終喪織紵益勤孝敬益篤鄉人稱其節義至正間旌表

劉氏 邑人王仁妻笄年適王年二十五而仁卒有二子曰信曰德俱幼劉氏躬織作以事舅姑喪葬皆克盡禮人皆難之旌表

劉氏 邑人蔣恒妻十八適恒生子昱甫二歲而恒

死劉氏時年二十朝夕悲啼蓬首垢面哀毀逾紀父母憐其少寡將嫁之乃曰吾身可殺志不可奪父母知其不可易聽之家貧織紡以奉舅姑撫子豈稍長俾就學比娶媳生孫而媳又夭劉乃自育之恒死後三十年舅姑始卒喪葬盡禮孀居五十載中外無間言旌表

明

劉氏 邑人王鑰妻年二十有三鑰死遺一子曰大眼方六七歲劉紡績養舅姑迨後舅姑及子相繼歿

樂安縣志

卷之十四

列女

二

劉獨孀居四十七年母亡一往哭而已旌表

蕭氏 白沙社宗輔女名四姐年及笄未字正德六年土寇陷城蕭氏爲賊所得欲污之不從以罵賊支

解而死事聞建祠旌表

舊祠在西門外

翟氏 邑人蔣惠妻年二十惠卒翟守志堅貞足不踰闕壽七十終侄暘仕監察御史奏聞旌表

閻氏 邑人陳偉妻偉好學夜讀未寢閻針紉以待偉未食閻未嘗先年二十七偉亡一子萬全教之成立補邑庠生年七十餘終旌表

房氏 邑人宋尚義妻年二十有三尚義亡生子光輝甫三歲尚義葬之日哭拜其父母曰今爲宋氏寡婦不得歸寧再見矣於是盡遣臧獲覓一嫠媪司門戶供炊汲已常坐一室中誦佛書不飲酒食肉二十餘年及光輝補縣學生且食餼以所入廩市羊豕祭其父墓歸而進胙於母曰兒不孝不能逮養父有母之兒心忍乎遂爲之破涕一觴嗣後仍屏絕如故年六十一而終里婦罕識其面者

傅氏 趙希龍妻邑庠生耿光母也年二十有二而

希龍歿傅號泣嘔血幾不自存諸妣慰之曰卽相從地下可矣若孤穉何乃悟而起居貧力績以育耿光稍壯俾從叔希益受戴禮叔亦憐之時分所有以濟其乏迨耿光爲學廩生而傅已皤然白髮矣

張氏 邑人李棟妻性寡言笑棟素嗜麪蘖張屢諫不從果乏生計因以成疾乃語張曰向不聽汝言今若此汝將誰依張泣曰餓卽死爾吾不能爲失節事遂嚙指出血以示棟卒無以爲殮盡脫簪珥以營之紡績事姑朝夕惟謹身不出閨門者凡五十餘年年

八十而終

蔣氏 邑庠生蔡嘉賓妻御史暘女也通書史大義年二十歸嘉賓克盡婦道賓病湯藥必親嘗夜則籲天祈以身代賓卒尋自縊家人救免姑及父母以遺腹解之既生女不育復以死誓又有以姑年老言者稍悟遂截髮以示志逾十年姑逝遂大歸依母室人皆稱其節孝云

孫氏 邑人李智妻節婦張子婦也年十四適智事姑至謹閱四年而智亡時懷娠五月生子含金與姑

樂安縣志

卷之十四

列女

四

共育之不幸含金天姑曰夫亡子喪女將何爲孫曰願如姑足矣後姑卒喪葬克如禮後姑三十年而卒卒年七十一歲

鄧氏 邑人孫可久妻教諭賢女也年十九適孫事舅姑以孝聞三載可久死鄧哀毀欲絕未幾舅姑亦相繼歿無所依返鄧室依弟侄以終身年七十餘卒隋氏 邑人劉允升妻壽光縣隋瑶之女結褵甫及期允升亡隋水米不入口欲自絕時父瑶以訟滯歷下母及兄給之曰父旦夕返忍不一見耶隋諾閱月

父瑤來語之曰女年少而吾家富已爲女覓佳耦急治喪歸隋佯曰俟襄事後當從之瑤以爲然守者亦懈隋潛入寢室衰服自經死時年十九歲知縣金鸞請旌之而親祭其墓

武氏 邑庠生孫浩然妻孫好讀書武事之甚謹孫病革囑曰我死子必更適幸撫吾兒俾承宗祀武泣曰是何言也既不獲與君偕寧忍遺孤罔終乎孫曰若如是吾可瞑目矣但貧不聊爾武曰吾將勤吾手指以自贍孫首肯以歿比襄事畢鍼紉之工日易薪

樂安縣志

卷之十四

列女

五

米視子成立耄耄而終

蔣氏 邑人邵繼儒妻生而柔婉早適繼儒未期而繼儒死輒號痛靡輟鄰里莫不哀感時有貴戚欲求爲繼室者父母將許之蔣聞之數日不食父母不能奪姑感其烈志爲築一園於繼儒墓側墓則虛右以待蔣自是日坐園中焚修苦節年六十而終

劉氏 畢澄妻原志無傳

郭氏 李國誦妻臨淄縣南陽社人無傳

張氏 宋懋官妻無傳

王氏 生員李培妻無傳

孫氏 种伯遷妻無傳

孫氏 許敬妻無傳

宋氏 蔣奇鈇妻無傳

王氏 侯應封妻無傳

袁氏 安一登妻無傳 以上皆係萬曆三十一年原志所列其無傳者寧闕之

田氏 李修身妻無傳

趙氏 秦池妻無傳

賈氏 崔紹亮妻無傳 以上見府志而原志見遺者府志無傳仍闕之

樂安縣志

卷之十四

列女

六

馬氏 邑人馬某女壽光縣隋藏器妻 應入壽光志今仍府志附

李氏 鄧九州妻夫亡孝養舅姑撫孤成立年七十

餘卒 詳見府志

劉氏 李含章妾值土寇不辱被殺 詳見府志

蔡氏 儒醫蔡體要女也許字蔣珣甫納聘而珣已

疾不起其父欲俟其少愈氏曰已受聘蔣氏婦也正

當侍其湯藥柰何難之于歸九日而珣卒哀慟欲絕

乃屏居一樓雖至戚莫得見其面茹苦四十餘年撫

繼子蔣應逢得成立後土寇陷城投井死

王氏 劉之偉妻之偉家貧力學氏勤紡績佐之年
二十之偉以病死氏哀痛備至其姑貧且病窮困靡
所依氏泣曰未亡人不敢以死遺堂上憂婦在姑當
無恙篝燈鍼繭姑婦相弔二十年如一日後氏亦病
且死跪辭姑曰後死者得相從地下無所恨但不得
事姑天年爲罪戾爾言訖而絕

劉氏 邑庠生李如常繼室會兵變執者迫之行數
里從馬上投地不屈死鋒刃中

王氏 儒童徐濟妻濟亡時年二十四歲旣含殮乃
於柩側飲藥死與濟合葬焉

樂安縣志

卷之十四

列女

七

王氏 邑廩生劉之汶妻之汶卒氏年二十三歲絕
粒三日欲隨殉焉時姑年七十矣哭勸之食乃勉爲
宗祧計撫繼嗣得成立獲雋於庠延之汶一脈人咸
謂王之節孝所致云

蘇氏 邑人宋藻妻年二十歲夫亡無子守節養姑
未嘗缺甘旨之奉後年七十以壽終

蔣氏 邑人畢昭顯妻生員竒綜女也年二十夫亡
無子矢志堅貞事翁姑以孝聞守節三十餘年復爲

亂兵所殺

李氏 賈福成妻年十九歲夫亡撫遺腹子得成立
貞潔自持治家嚴肅年七十五歲以壽終

成氏 趙俊之妻年二十一歲夫亡無子剪髮自誓
事姑以孝年七十而終

卜氏 宋原志 妻年二十夫亡嘗斷一指以自誓
逸名

李氏 王家桂妻及笄而字甫逾月而夫亡苦節五
十餘年隣里咸公舉之

連氏 思恩府經歷李貴和妻貴和仕南傲氏以姑

樂安縣志

卷之十四

列女

八

年老遣妾隨任而已代養貴和卒於官氏年甫二十
餘經理家務上下嚴肅及姑亡極盡送終之禮守節
四十餘年二子成立及身旌表而妾亦與焉

邢氏 邑人黃鳳鳴妻夫以非罪繫獄斃氏憤極投
繯以狗雙柩赴葬邑人哀之

李氏 邑人張雲鳳妻夫亡無子苦節四十餘年年
六十餘卒

馬氏 邑庠生司維新妻遇兵亂被擒罵不絕口竟
支解之

孫氏 邑人趙延年妻夫亡姑與祖姑猶在氏生事
死葬不愆於禮撫二子得成立後以壽終有司舉其
事請旌之

以上皆康熙六年續志所收而不載
所徵之年月其先後不可得而攷也

皇清

曲氏 邑人牟法妻趙標繼女也歸寧母家適其母
他往鄰有無賴子強逼之氏峻拒不從竟被殺初莫
知所坐後標於鄰家得血衣証之罪人乃得康熙五
十三年建坊旌表

詳見
府志

崔氏 邑人岳玠妻結褵兩載生子之惠又歲餘而

樂安縣志

卷之十四

列女

九

玠以非命死氏哀毀欲絕憐子幼乃觸石以自誓及
之惠成立頗穎異舌耕以養其母年二十七以疾夭
雖娶無所出玠弟玠以巳子嗣之生一孫不數年子
與孫復天氏年已七十餘伶仃獨遇歲四乃自經
死邑人憐而葬之

劉氏 邑庠生劉弘志之女年十七歸李士重生男
一女二士重以疾夭氏誓不改適撫孤成立婚嫁以
時後其孫珮補郡博士氏年八十有四皆及見之
蔣氏 邑庠生鄭應顯妻事翁姑以孝聞生子二曰

篤曰符符未週歲而應顯死時應顯父時俊方司訓
利津而母又先應顯卒氏曰吾不忍以遺孤累垂白
翁也刻意教子嚴而有法篤早歲遊庠而符亦膺時
譽人以爲得之母教云

李氏 邑庠生司政新妻年二十二政新卒氏守志
不渝事姑甚謹遺孤瀾克承父業蚤歲遊庠惜氏年
四十五而卒

劉氏 邑人司湖妻湖卒氏年二十二遺孤國翰撫
之成立年五十六以壽終

王氏 新城縣明經與階女幼字成少司馬子王珏
珏無慧長不辨菽麥氏及笄而父已歿成遣議退婚
兄將承之氏曰是忘父命也使我病且廢而彼欲退
之爾等亦從之耶天下事皆前定縱改適點者不薄
我爲二姓婦耶竟歸於成執婦道惟謹未幾珏死乞
伯氏子兆麟爲嗣年七十餘怡然無所愠當道競表
揚之

商氏 邑人張菊妻年十九夫亡無子事舅姑甚孝
及姑卒自經於姑柩旁年二十二歲

李氏 邑人陳世祿妻年二十而寡事舅姑以孝聞
守節終身里人咸稱之

王氏 進士孫弘喆妻弘喆仕廬江令卒於官氏年
二十八妾左氏年二十二生子三歲兩志同堅形影
相弔苦節四十餘年康熙癸巳長孫嘉言售鄉薦慈
闈重慶邑人榮之

司氏 邑人甄汝楫妻年十七夫亡無子侍姑守節
繼侄爲嗣年五十餘猶守閨範雖至親無得覲其面
者

尹氏 進士尹從王女適壽光縣隋循年二十循死
遺孤四歲撫之成立忽一日嘔血數升而卒與循忌
同一日人皆異之

孫氏 邑廩生李之標妻新城教諭三策女也幼習
書史明犬義于歸後勤儉操作之標得內助力未幾
舅死非命氏燬家復仇繼而之標復遇害遺孤六歲
名曰六吉娶隋氏女爲媳生三子而六吉又夭隋欲
狗夫氏曰爾爲其易使我獨任其難吾老矣三子者
誰復成之是忘我兩世仇也隋乃勉從姑命相依茹

垂白十年後三子皆成立而仇家已盡絕矣人謂苦節之報

仇氏 邑廩生鍾如呂妻年二十七如呂亡哀毀不欲生以姑年老二子幼誓以死守遇姑病焚香祝天願以身代及姑病愈遂茹素斷腥以延姑壽守節四十年長子崑發歲貢生次子崙發邑庠生孫源濟邑廩生源濰源漢及曾孫賡韶皆先後遊庠而業儒者尚有五人蕃衍備福節婦中無出其右者

李氏 庠生孫肇遵妻肇遵父希奭任陝西吳堡知縣母早卒遺幼弟士久方五歲而祖母尚存氏十九于歸二十一而肇遵死氏上侍祖姑下撫幼叔逮翁宦歸而士久已成人有室矣年六十二歲而終

劉氏 邑人孫聿養妻吳堡令希奭之次媳也年二十五歲聿養病卒無所出與寡嫂同居守節共事祖姑時希奭尚有第三子年甚幼共撫育之成人婚娶及翁之喪皆氏一人經理其寡嫂已先期歿也後氏年八十九歲而終

隋氏 邑人牛文岱妻年十九文岱病死氏輒不欲

生家人防守嚴密不得遂志惟目號泣呼天而已越數日防稍懈遂持夫袍自縊死有司旌之并立以石劉氏 邑人常世珙繼室年十七歸常十八而世珙死其前妻遺一子二女劉視之如已出或勸之改適氏曰姑年老終其天年未晚也及姑歿喪葬如禮或又勸之氏曰男婚女嫁瞬息間事爾畢此無他願及子女皆有家室氏年未三十或又勸之氏笑曰焉有爲人姑而使其媳作門外之送何如若未來時乎吾志早決於是諸親不復言其子媳亦謹事之享年七十有四

樂安縣志

卷之十四

列女

十二

十有四

成氏 邑廩生李坦妻夫亡守節事姑孝訓子若孫以嚴年八十六歲以壽終

魏氏 邑人趙吉妻年二十四歲夫亡無子立一繼子不幸又夭氏曰吾命也遂不復議嗣依叔翁士錦以度餘年人謂之苦節

宋氏 邑人王錫韓妻結褵二載夫亡無所出立侄大勇爲嗣教之成立大勇得遊庠氏之力也

孫氏 邑庠生孫浴女幼嫻內則長而能文適博興

縣太學生趙王前爲室王前父溯岸任廣西修仁縣
挈眷以行調繁隆安溯岸罷王前以父逋賦坐圜
中病幾殆氏橐餽不繼憂憤不食死遺書戒其弟勿
令母知聞者莫不傷感

李氏 邑庠生開先女許字博興縣王偉之子爲室
王久病不起姑至女家曰吾兒病難痊媳當他字母
負青年也抱女哭甚哀女亦伏地慟告其母曰冀得
王郎一見母不許以死要之母挾以偕往入門則先
拜姑舅及其夫訣其母曰兒不歸矣當侍湯藥以待
樂安縣志

卷之十四

列女

十四

其愈尙不幸唯母命之居二年而王卒氏亦經於柩
旁兩邑縉紳咸稱美之

李氏 邑人吳燠妻燠死氏年十九殮之日服衰經
自經於房有司旌其節烈

王氏 邑人鍾長花妻氏年二十長花客死於外遺
子甫一歲氏撫之成立艱苦備嘗言笑不苟一鄉推
其苦節云

李方膺曰嘗讀柏舟朱序曰衛世子共伯蚤死其妻共
姜守義父母欲奪而嫁之夫姜非齊之公族乎而有

此父母也凱風七子賢可知矣又嘗論宋儒動言禮法獨再醮一節士夫家不以爲非其他不具論卽以文正公隨母改適朱氏東人所知也及攷范氏世家文正柄國後長子早卒長媳轉嫁謝姓然則當理學盛明之日而不能強人情以所難節之一字豈易言哉原志自元至正以迨明萬曆三百年中所收不過二十五人我

朝德化洋溢聲教覃敷雖閨中弱穉皆知禮義而重廉

恥悲鸞泣鏡守璞完貞何其衆也其中或以孝稱或

樂安縣志

卷之十四

列女

十五

以賢勞或以撫孤或以身殉皆於從一之義白首無愧焉意者緹縈之孝性成總不愧於所天杞梁之妻善哭眞可以變國也哉吾於樂之列女見其化行而俗美也